

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2019թ.

N---Ն

ՈՐՈՇՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2011ԹՎԱԿԱՆԻ ՓԵՏՐՎԱՐԻ 8-Ի
N182-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ հոդվածի 3-րդ մասով՝

Երևան քաղաքի ավագանին որոշում է.

1. Երևան քաղաքի ավագանու 2011 թվականի փետրվարի 8-ի «Երևանի ենթակայության կազմակերպությունները Երևան քաղաքի վարչական շրջանների ղեկավարների ենթակայությանը հանձնելու եվ լիազորություններ պատվիրակելու մասին» N182-Ն որոշման հավելվածը լրացնել նոր՝ 166.1-ին կետով, հետևյալ բովանդակությամբ.

«166.1 ---- «Արևամանուկ» ՀՈԱԿ»:

2. Սույն որոշումը ուժի մեջ է մտնում պաշտոնական հրապարակմանը հաջորդող օրվանից:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

2019թ. _____« »

Երևան

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2011ԹՎԱԿԱՆԻ ՓԵՏՐՎԱՐԻ 8-Ի N182-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Երևանի Նուբարաշեն վարչական շրջանում Երևան քաղաքի ավագանու՝ **23.11.2018թ. N3532-Ա** որոշմամբ ստեղծվել է «Արևամանուկ» ՀՈԱԿ-ը: Հաստատության կանոնադրությունը հաստատվել է Երևանի ավագանու՝ **21.12.2018թ. N37-Ա** որոշմամբ: Կազմակերպությունն իրավաբանական անձանց պետական ռեգիստրում գրանցվել է **23.01.2019թ.** (վկայական-N**278.215.1054729**): Մանկապարտեզը զբաղեցրած անշարժ գույքի նկատմամբ ՀՈԱԿ-ի օգտագործման իրավունքը ստացել է պետական գրանցում (վկայական-N **25032019-01-026**):

Երևան քաղաքի ավագանու **2011** թվականի փետրվարի **8-ի**՝ «Երևանի ենթակայության կազմակերպությունները Երևան քաղաքի վարչական շրջանների ղեկավարների ենթակայությանը հանձնելու և լիազորություններ պատվիրակելու մասին» N**182-Ն** որոշման համաձայն՝ Երևանի ենթակայության կազմակերպությունները, այդ թվում՝ **160** մանկապարտեզից **158-ը**, հանձնվել են վարչական շրջանների ղեկավարների ենթակայությանը:

«Երևան քաղաքում տեղական ինքնակառավարման մասին» Հայաստանի Հանրապետության օրենքի **52-րդ** հոդվածի **4-րդ** մասի համաձայն՝ քաղաքապետի առաջարկությամբ և ավագանու որոշմամբ վարչական շրջանի ղեկավարին կարող են պատվիրակվել նաև քաղաքապետի այլ լիազորություններ, բացառությամբ՝ ավագանու հետ հարաբերություններում ունեցած լիազորությունների:

«Երևան քաղաքում տեղական ինքնակառավարման մասին» Հայաստանի Հանրապետության օրենքի **52-րդ** հոդվածի **1-ին** մասի **6-րդ** կետի, **4-րդ** մասի և «Պետական ոչ առևտրային կազմակերպությունների մասին» Հայաստանի Հանրապետության օրենքի **14-րդ** հոդվածի **1-ին** կետի **1-ին** պարբերության՝ **2-րդ** կետի ա), գ), դ), ե) և է) կետերով նախատեսված Երևանի քաղաքապետի լիազորություններն առաջարկվում է պատվիրակել Երևանի Նուբարաշեն վարչական շրջանի ղեկավարին:

«Արևամանուկ» ՀՈԱԿ-ի կառավարումն առավել օպերատիվ իրականացնելու և նրա բնականոն գործունեությունն արդյունավետ ապահովելու նպատակով Երևան քաղաքի ավագանու քննարկմանն է ներկայացվում որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2011ԹՎԱԿԱՆԻ ՓԵՏՐՎԱՐԻ 8-Ի N182-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ

«Երևան քաղաքի ավագանու 2011թվականի փետրվարի 8-ի N182-Ն որոշման մեջ լրացում կատարելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2011ԹՎԱԿԱՆԻ ՓԵՏՐՎԱՐԻ 8-Ի N182-Ն ՈՐՈՇՄԱՆ ՄԵՋ ԼՐԱՑՈՒՄ ԿԱՏԱՐԵԼՈՒ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Երևան քաղաքի ավագանու 2011 թվականի փետրվարի 8-ի N182-Ն որոշման մեջ լրացում կատարելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ